

Linguas xines


La **linguas xines** (o sinitica) es plu coreta un familia o grupo de linguas relatada, desendentes de un lingua, xines vea, parlada par la hanes de Xina norde. La familia es un de la du ramos de la familia linguas xinotibetan. Sirca un sinci de la popla de la mundo – 1200 milion – parla alga forma de xines per sua lingua nativa. La plu de linguistes crede ce on ave sirca 10 "dialetos" de xines, con putong (o mandarín) como la plu grande, con sirca 850 milion persones.

Putong es la forma usada per un "lingua franca" en Xina, e la model es la dialeto parlada en Beijing. Putong es ance un de la ses linguas ofisial de la Naciones Unida. Guangdong (o cantones), con 80 milion parladores, es ance importante, e es un de la linguas ofisial de Hongkong e Macau\Macau.

La linguas xines difere en multe modos, ma tota ave tonos, un gramatica analisal, e palabras corta. Los ave ance un forma de scrive – la scrive xines (o 漢字 / 汉字 *Handzi*), cual es un sistem de sinias cual representa cosas, ideas e sonas.

La linguas en la familia xines es:

- Putong (o mandarín) 北方话 / 北方話 o 官話 / 官话 (c. 800 milion)
- U 吳/吴 (c. 90 milion)
- Guangdong (Cantones o Yue) 粵 / 粤, (c. 80 milion)
- Min 閩 / 闽 (c. 50 milion)
- Jin 晉 / 晋 (simile a Putong, c. 45 milion)
- Xiang 湘, (c. 35 milion)
- Haca 客家 o 客, (c. 35 milion)
- Gan 贛 / 赣, (c. 20 milion)
- Hui 徽 (simile a U, c. 3.2 milion)
- Ping 平話 / 平话 (simile a Guangdong, c. 200,000)



Mapa de la "dialetos" de xines (nota: la areas en jala lejera es uigur (ueste), mongol (norde), e tibetan (sude-ueste))

Vide ance

- Xines (gramatica)

Retraeda de "https://fn.wikipedia.org/w/index.php?title=Linguas_xines&oldid=31502"

Testo es disponeda su la Lisensa Attribution-ShareAlike de Creative Commons; plu restrinjes pote pertine. Vide Contrata de usa per detalias.